



Synfocity = 484

mail us at : mzsynfo@gmail.com; mizoramsynod@gmail.com - Phone - 2314648

24th April, 2014

□ Bial Inkhawmpui

April 25 - 27, 2014 chung hian Presbyterian Kohhran chuan Pastor Bial tinah Bial Inkhawmpui an nei ang. April 25 (Zirtawp) zan hi Palai Lawmna & Report Inkhawm a ni ang a, April 26 (Inrinni) ah nilengin Rorel a ni ang a, April 27 (Pathianni) chawhnu inkhawmah Lalpa Zanriah Sakramen theh a ni ang a, zan inkhawmah Bial Chairman kalchhuak turten Valedictory Sermon an sawi ang. Pathian Biak Inkhawm hun hrang hrangah thupui sawi tura ruatten thuchah an sawi baw ang.

Rev. Lalzuithanga, Senior Executive Secretary-in Lenchim Kohhranah Bial Inkhawmpui a hmanpui ang a, Rev. P.C. Pachhunga, Executive Secretary-in Khawlailung Kohhranah Bial Inkhawmpui a hmanpui baw ang.

□ Seminar on Calvinism

April 22, 2014 (Thawhlehi) khan Pi Zaii Hall, Synod Conference Centre-ah 'Seminar on Calvinism' neih a ni. Seminar hi Calvin Study Centre, Aizawl Theological College buatsaih a ni a, Aizawl khawpui chung Kohhran tin aiawh mi 2 theuh sawm an ni a, an vaiin mi 260 an tel thei a ni.

Seminar programme hi chawhma lamah Rev. Prof. C. Lalhliran a kaihrui a, Rev. Lalzuithanga, Senior Executive Secretary-in Pathian hnena inhlanna hun a hmang. Rev. Dr. P.R. Hmuaka paper buatsaih 'Pathian chungnun bikna leh khawtlang nun siamthat' tih thupui zirho a ni a, Rev. B. Zohmangaihan Fakselna hun a hmang leh baw. Hemi hnu hian sawihona hun hman a ni.

Chawhnu lamah Rev. Prof. Vanlalchhuanawma, ATC Principal-in programme a kaihrui a, Rev. Laldintluanga paper buatsaih 'Mizo Kristiante leh Chapchar Kut' tih thupui zirho leh a ni a, Pu C. Vanlallawman Fakselna hun a hmang. Sawihona hun neih chhonzawm a ni a, hemi hnu hian Programme Khaikhawmna hun hman leh a ni.

□ Wales Pastor mikhual

Rev. Wyne Morris, Wales ram Pastor chu Mizoramrawn tlawh turin April 22, 2014 khan Aizawl a lo thleng a, April 25, 2014-ah a haw leh ang. A cham chung hian Synod hmun pawimawh hrang hrangte tlawh kualin Synod Hotute nen an inkawm ang.

□ Wales Missionary thi

Wales Missionary Gwen C. Evans (Pi Hlimi), Medical Mission hnuai kum 1958 - 1959 chhunga Presbyterian Hospital, Durtlang leh P.C. Girls' School, Mission Venga thawk thin chu April 11, 2014 (Zirtawpni) khan a thi a, a ruang hi April 29, 2014 (Thawhlehi) tlai dar 3:00-ah New Southgate Crematorium, London-ah vui a ni ang.

□ Trinity Guildhall Certificate sem

Mizoram Synod Music Department chuan vawin (April 24, 2014) chawhma dar 11:00 khan Pi Zaii Hall, Synod Conference Centre-ah Synod School of Music kal tlanga nikum (2013) November thlaa Trinity Guildhall Theory of Music Exam-te hnenah Trinity Guildhall Music Certificate semna hun an hmang.

Programme hi Upa F. Lalremthanga, Music Coordinator-in a kaihrui a, Synod School of Music zirlaiten Piano recital an entir a, Lalfakzuali leh Lalrinchhana ten Instrumental duet an entir baw a, Synod School of Music hnuai a zirlai Ni. R. Vanlalrinzuali leh Tv. H. Lalthazuala, Instructor te an solo baw. Rev. P.C. Pachhunga, Executive Secretary, i/c Music-in Certificate a sem a, thuchah a sawi baw.

Synod School of Music hnuai zirlaiten hian Trinity Guildhall London hnuai kum 2007 atang khan exam an pe ve tan a, tun a mi te nen hian an vaiin mi 60 in Certificate hi an lo dawng tawh a ni.

He Certificate sem inkhawma Certificate dawngtute hi mi 12 an ni a, Grade 2-ah pakhat, Grade 4-ah pahnih, Grade 5-ah pathum leh Grade 8-ah paruk te an ni a, Distinction mark hmu mi 4 an awm. Tun tumah hian exam beitu zawng zawngten tha takin an pass vek a ni.

□ Presbyterian Bible School

April 24, 2014 (Ningani) chawhnu dar 1:00 hian Pi Zaii Hall, Synod Conference Centre-ah Presbyterian Bible School-a 30th Session zirlaiten pualin Farewell & Dedication Service neih a ni ang. Programme hi Rev. P.C. Pachhunga, Executive Secretary-in a kaihrui ang a, Rev. Dr. C. Lalramlian Inhmelhriattirna hun a hmang ang a, Rev. Lalrinmawia, Board Member-in zirlaiten hnenah Certificate a hlan ang. Chairma-in zirlaiten hlanah leh lawmman semna a nei ang a, Rev. Vansawma, Board Member-in tawngtaisakna hun a hmang ang a, Upa C. Lalbiakthanga, Board Member leh zirlai aiawhten thutawi an sawi ang a, Rev. Vanlalzuatan Lawmthu sawina hun a hmang ang.

Presbyterian Bible School hi kum 2004 May thla atangin tan a ni a, heta tanga zirchhuakte hi rawngbawlna tangkaiah an inhmang zui hlawm a, Missionary leh Social Worker-a tang zui tam tak an awm a, B.Th. leh BD zir zawm thahnem tak an awm tawh a, Synod Revival Speaker zinga tam takin heta tang hian Pathian thu an zir chhuak tawh baw a ni.

□ Zin

◆ April 28 - May 5, 2014 hian PCI General Assembly Executive Committee, Shillong-a tel turin Rev. Lalramliana Pachuau, Executive Secretary a kal ang.

◆ April 23, 2014 (Nilaini) khan Tlungvel Pastor Quarters sak tur enfiah turin Pu Thangliankhuma, Asst. Engineer leh Pu P.C. Lalrinawma, Work Supervisor te an kal.

□ Synod Mission Board

◆ April 20, 2014 khan Patna North Pastor Bial, Darbhanga Fellowship ah mi 7 in Bialtu Pastor, Rev. Zairemtluanga kutah Baptisma an chang. Hemi ni vek hian Khagaria Pastor Bial, Khagaria F/S ah mi pakhatin Bialtu Pastor, Rev. Zoramawia kutah Baptisma changin, Patna South Bialtu Pastor, Rev. C. Lalremzuala pawhin Beur Fellowshipah mi pakhat Baptisma a chantir baw. Pathianni hmasa (April 13, 2014) khan Patna South Pastor Bial Inkhawmpuiaiah Bialtu Pastor hian mi 7 Baptisma alo chantir tawh baw a ni.

◆ April 20, 2014 (Pathianni) khan Pasighat bialtu Pastor Tanyo Pabin chuan Bilat A&AMFW ah thalai mi 4 Baptisma a chantir.

◆ April 21, 2014 (Thawhtanni) khan Silchar-ah One Day Counselling neih a ni a, hetah hian tlangval pahnihin baptisma an chang nghal a ni.

- ◆ April 22 - 25, 2014 hian Udharbond, Barak Area Biala Missionary ten Outreach Programme an hmang leh ang. April 15 - 17, 2014 khan hetiang programme hi an lo nei tawh bawk.
- **Hruaina Eng FM Radio & TV Programme**
 - ◆ **APRIL 25 (FM Zoawi Aizawl @ 7:30 p.m.) :**
Solo : Loncy - Duhdang ka nei lo, **Choir :** Bethlehem NCI(Naupang Chawhnu inkhawm) - Aw Bible, **Thuchah :** Upa Bonny Lalrindika - Thalaite hnena thurawn, **Solo :** Laldusaki - Ringla i nung ang, **Choir :** Dawrpui Bial Zaipawl - Aw chawimawi ula , Lalber khumtir rawh u
 - ◆ **APRIL 25 (FM Lunglei @ 7:30 p.m.) :**
Solo : Loncy - Duhdang ka nei lo, Synod News, **Choir :** Bethlehem NCI (Naupang Chawhnu inkhawm) - Aw Bible, **Thuchah :** Upa Bonny Lalrindika - Thalaite hnena thurawn, **Solo :** Laldusaki - Ringla i nung ang, **Choir :** Dawrpui Bial Zaipawl - Aw chawimawi ula , Lalber khumtir rawh u
 - ◆ **APRIL 27 (TV Programme @ 3:00 p.m.) :**
Zaipawl : Ramthar Bial Zaipawl - Hun tha a liam hma hian, **Playback :** ATC Valedictory Service 2014, **Solo :** H. Lalremruati - Kan Zion tur chu
- **Susamachar Prasaran Programme**
APRIL 27 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Zemabawk Bial Masihi Sangati - Yeshu Naam Last, **Group/Choir/Solo :** L.H. Hindi School - Yeshu Masih, **Sermon :** Rev. Vanlabela - Parmesuar ka vachan zivit hai, **Group/Choir/Solo :** Tanhril Pastor Bial - Mere Mashi, **Group/Choir/Solo :** Dawrpui Bial Masihi Sangati - Jaya
- **Synod Moderator Programme**
Synod Moderator Rev. K. Lalhmuchhuaka chuan tun kar tawpah hetiang hian hun a hmang ang :
April 24, 2014 (Inrinni) : Bial Inkhawmpui, Mission Veng Kohhran

PCI GEN. ASSEMBLY, 2014 KAL DAN TUR HRIATTIRNA

Kum 2014 PCI General Assembly chu May 1, 2014 zan atangin tan tur a ni a. Kumin hian Laitumkhrah Kohhran, Shillong-in a thleng dawn a, kal dan tur ruahman a ngaih avangin kal ngei tur chuan SMS hmangin mahni hming a hnuai Mobile phone number-ah hian April 28, 2014 aia tlai lovah thawn theih a ni. April 30, 2014 chawhma dar 10-ah Synod Office atanga chhuah tur a ni a, Silchar-ah riahthlak tura ruahman a ni. Silchar kawnga awmte chuan kalkawngah lo chan mai tur a ni ang. Kal turte chuan mutbu ken theuh theih ni se. Engemaw zawhfiah belh ngai a awm a nih chuan Superintendent, Synod Office hnenah zawhfiah ni se.

Mobile Phone - **9856772987/9689914963**

N.B. : Pensioner Minister kal tum te chu Bialtu Pastor-in SMS rawn thawn sak theih ni se.

REV. LALZUITHANGA
Senior Executive Secretary

ADVERTISEMENT

Synod Hmangaihna In, Durtlang-a thawk turin heng hnate hi a ruak a, Kohhran lehkha leh thiamna Certificate thil telin Hmangaihna In Office-ah dilna thehluh theih a ni.

Hna hming	Thiamna
Counsellor (Contract)	: M.A. (Psy.) or MSW (Second Class)
Case Worker (Contract)	: MSW (Second Class)
Dil teih hun chung	: April 27, 2014
Interview	: April 28, 2014, Dar 12:00 Noon
Interview-na	: Synod Committee Room 1, Synod Office

REV. LALRAMLIANA PACHUAU
Executive Secretary i/c Hmangaihna In

PATHIAN THU ZIR DUH TAN

Presbyterian Bible School, Mission Veng-ah Session 31-na atan Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

🕒 Admission Form	: Office hun chungin Rs. 10/- a lei theih a ni
🕒 Form thehluh hun	: April 30, 2014 (Nilaini) tlai dar 3:00 thleng
🕒 Dil thei chin	: Class VII passed, kum 16 chin, Kohhran dan chungga awm
🕒 Interview	: May 2, 2014 (Zirtawpni) chawhma dar 10:00
🕒 Class tan hun	: May 6, 2014 (Thawhlejni)
🕒 Zir hun chung	: May - August, 2014
🕒 Stipend	: Zirlai pakhat hnenah thla tin Rs. 500/- pek a ni ang. Hostel a awm lo.

Hrechiang duh tan Phone No. **8575308007/2317343/2350082**-ah zawh theih a ni.

REV. R. LALENGMAWIA
Principal, PBS

